

說文解字注箋

說文解字第十一 下

金壇段玉裁注

番禺徐灝箋

二水也闕凡水之屬皆从水

之壘切

注曰此謂闕其聲也今之壘切者以意爲之○箋曰許當是音義並闕說見艸部

水行也从水沝沝突忽也

力求切

篆文从水

注曰流爲小篆則灇爲古籀可知○箋曰流从沝者取順而下意說見去部引申之爲順爲下爲移爲放爲散

徒行厲水也从水从步

時攝切

篆文从水

注曰許意詩言揭厲皆徒行也皆涉也故从步。  
箋曰邶風匏有苦葉篇深則厲淺則揭毛傳以衣  
涉水爲厲揭褰衣也厲許作砮水部曰砮履石渡  
水也或作漚通作厲

文三 重二

𧇵水厓人所實附頻蹙不前而止从頁从涉凡頻之

屬皆从頻符眞切  
隸作頻

注曰頻今字作濱召旻傳曰頻厓也采蘋北山傳  
曰濱厓也今用頻訓數考桑柔傳曰頻急也廣雅  
曰頻比也此從附近之義引申之。箋曰頻蹙者  
𧇵之本義蓋从頁建類豈象蹙頰之形人有憂思

時踰往來故从步三與水篆橫體極相似因譌从  
水而生涉水頻蹙之義人之頻蹙豈因涉水而然  
哉隸省作頻引申爲頻數又因之謂頻爲蹙大雅  
桑柔篇國步斯頻言國步日蹙也因爲頻數之義  
所專又別作𨔵以爲𨔵蹙字至水厓當以濱爲正  
或作𨔵其引申之義爲邊爲近許用舊說合二字  
爲一故水部不復載濱𨔵篆耳

**𨔵** 涉水𨔵蹙从頻卑聲切

注曰卑聲古音在支部易頻復本又作𨔵鄭作卑  
古字同音假借自各書省爲頻又或作𨔵而古音  
不可復知乃又改易音義云鄭作𨔵幸晁氏呂氏

所據音義作卑考古音者得此眞一字千金矣。  
箋曰頻顰古今字聲轉讀若顰故从卑聲釋文本  
云鄭作顰晁以道古周易呂伯恭古易音訓所據  
音義作卑者乃譌字而段氏偏以爲信謂之一字  
千金斯眞不可解矣

文二

水小流也周禮匠人爲溝洫相廣五十二相爲耦  
一耦之伐廣尺深尺謂之倍倍謂之遂倍遂曰  
溝倍溝曰洫倍洫曰凡之屬皆从切姑泣  
古文从田从川𣶒篆文从田犬聲六  
畎爲一畝

注曰周禮考工記匠人職文說詳鄭注及程氏瑤  
田通藝錄今周禮く作𡿨く作澮。箋曰古法六  
尺爲步𡿨廣一尺六之爲廣一步長百步爲一畝  
今法二百四十步爲一畝餘詳通介堂經說

文一重二

ㄥ水流澮澮也方百里爲く廣二尋深二仞凡く之  
屬皆从く古外切

注曰考工記匠人職文今作澮。箋曰澮之言會  
也會溝洫之水以達於川也別有澮水入汾見水  
部

𡿨水生厓石間𡿨𡿨也从く𡿨聲力珍切

注曰厓者山邊也。箋曰唐風揚之水篇白石粼粼毛傳粼粼清徹也釋文粼本作磷許書無磷字

文二

川貫穿通流水也虞書曰濬くく距川言濬くく之

水會為川也凡川之屬皆从川昌緣切

注曰虞書調古文皋陶謨今書作畎澮距川古音

讀如春

亓水脈也从川在下一地也王省聲一曰水冥亓

也古靈切亓古文亓不省

注曰亓之言演也演者水虺行地中演演也故从

川在地下冥亓水大兒今字作溟滓司馬注莊子

曰溟滓自然氣也

𡵓水廣也从川𡵓聲易曰包𡵓用馮河

呼光切

注曰引申爲凡廣大之稱周頌天作高山太王荒之傳曰荒大也凡此等皆假荒爲𡵓荒蕪也荒行而𡵓廢矣易包𡵓用馮河泰九二爻辭今易作荒陸云本亦作𡵓。箋曰荒訓大者卽荒蕪之引申不必爲𡵓之假借易泰包荒本是包四荒之義其作𡵓者因馮河而改之耳

𡵓水流也从川或聲

于通切

注曰江賦漫滅濫湏李云參差相次也滅卽惑詩黍稷彧彧卽惑之變假惑爲𡵓也。箋曰大雅文



王有聲篇築城伊減毛傳減城溝也疑城溝乃減之本義或卽城也減者熬之變體與邕同意

𣶒水流也从川曰聲

于筆切

注曰此與水部汨義異汨治水也上林賦曰汨平混流又曰汨潏漂疾方言曰汨疾行也此用汨爲汨廣韵合爲一非○箋曰从川之字或互从水故汨亦作汨汨之本義調急流治水者因勢利導使之疾行因調之汨非有異義上林賦方言皆用本字非假借也

𣶒水流𣶒𣶒也从川𣶒省聲

𣶒原本作列誤今從繫傳良辭切

注曰大徐曰𣶒字从𣶒此疑誤當是从𣶒省小徐

本作𠂔省聲。箋曰𠂔从川而𠂔省聲。刀部劉別用此爲聲也。隸變別又省爲列。

𠂔四方有水自邕城池者从川从邑

繁傳有讀若雖三字於容切

川邑籀文邕

注曰水經注釋漁陽郡雍奴曰四方有水爲雍不流爲奴。箋曰邕雖古字通雖隸作雍戴氏侗曰凡水之畜聚爲邕平聲攤水爲邕上聲以糞土培殖爲邕去聲今俗作壅血氣邕底聚而爲瘍亦作邕且別作癰臙

𠂔害也从一雖川春秋傳曰川雖爲澤凶

祖才切

注曰𠂔害字本如此作今凡作災災菑皆假借字

也周語曰陽塞而在陰川原必塞原塞國必亡以一塞川是爲害川故从一雝川會意川雝爲澤宣十二年老傳文雖墜也。箋曰繫傳云从一指事是也

侃剛直也从侃古文信从川取其不舍晝夜論語

曰子貢

原本作子路今從繫傳

侃侃如也

空旱切

注曰論語鄉黨與下大夫言侃侃如也孔曰侃侃和樂貌也蓋謂卽衍衍之假借字信則可恆故从信會意先進篇子路行行如也并有子貢侃侃如也蓋許氏筆誤。箋曰子路繫傳作子貢是也从信非取恆義信古仲字剛直者自仲其說而不爲

依阿取容故从信从川者滔滔不絕之意後世所謂口如懸河卽其意也

𣶒

水中可居曰州周遶其旁从重川昔堯遭洪水民

居水中高土或曰九州

或繫傳作故

詩曰在河之州一

曰州疇也各疇其土而生之

職流切

川古文州

注曰周南在河之州毛傳水中可居者曰州州本州渚字引申之乃爲九州俗別製洲字而小大分係矣州疇疊韵爲訓疇耕治之田也人各耕治以爲生此說州之別一義○箋曰或曰九州者或以九州爲字之本義也其實水中可居包括無遺大而言之則九州皆在水中耳一曰州疇者原其立

名之始非州之別義也州之言疇也以其有土可疇也篆文从重川會意重川則其間必有平土也古文中象高土形

文十 重三

泉水原也象水流成川形凡泉之屬皆从泉疾緣切

注曰爾雅釋水曰濫泉正出正出涌出也沃泉縣出縣出下出也沘泉穴出穴出仄出也古者謂錢曰泉布。箋曰白象泉穴下象水流成川形借為貨泉之名取其流布也古鑄貨泉作泉形蓋仿泉篆為之鄭漁仲謂貨泉字借為泉水非也

縣泉水也从泉縣聲讀若飯符萬切

注曰淮南書云莫鑑於流瀨而鑑於澄水許注云  
楚人謂水暴溢爲瀨瀨卽𣶒字古讀平聲○箋曰  
繫傳曰阪泉蓋本此字

## 文二

泉三泉也𣶒凡𣶒之屬皆从𣶒詳遼切

注曰關謂關其音也今音詳遼切依附泉之雙聲  
爲之○箋曰此等皆音義竝闕

原水泉本也从𣶒出𠂔愚表切篆文从泉

注曰月令百源鄭注眾水始所出爲百源後人以  
原代高平日遼之遼而別製源字爲本原之原積  
非成是久矣○箋曰源泉所出往往數處合流多

者至百源如河源之星宿海是也故从三泉戴氏  
侗云借爲原隰原田之原因原田之義引之爲平  
易楚屈平字原

## 文二 重一

𣶒長也象水至理之長

繫傳此下有永也二字

詩曰江之永矣

凡永之屬皆从永

于憬切

注曰至者水脈理者水文引申之凡長皆曰永詩  
周南漢廣文毛傳永長也○箋曰許云反永爲永  
然永字象形近於泛設當是反永爲永永永象水分  
流反之則爲合流故訓爲長矣永永古今字

𣶒水長也从永羊聲詩曰江之永矣

余亮切

注曰釋詁曰兼長也江之兼矣漢廣文毛詩作永  
韓詩作兼古音同也文選登樓賦川既漾而濟濊  
李注引韓詩江之漾矣薛君曰漾長也漾乃兼之  
譌字○箋曰永兼蓋相承增偏旁

文二

𣶒水之裏流別也从反永凡辰之屬皆从辰讀若稗

縣匹卦切

注曰流別者一水岐分之謂禹貢曰漾東流爲漢  
沅東流爲沔江東別爲沱此言流別之始水部派  
音義同派後出耳禾部曰琅邪有稗縣今地理志  
作稗誤也○箋曰𣶒象水分流之形右畔其別派



也反辰為永說見永部

血理分衰行體中者从辰从血中字據繫傳補莫獲切

血或从肉

注曰理分猶分理衰行體中而大候在寸口人手

御十分動脈為寸口也。箋曰衰猶分也衰行體

中謂血流轉於體中也素問脈要精微論曰夫

脈者血之府也故血从血

𦛳衰視也从辰从見莫狄切𦛳籀文繫傳作覓

注曰釋詁曰視胥相也郭云覷謂相視也覷與目

部脈通用古詩脈脈不得語李善引爾雅及注作

脈今文選譌作脈非也俗有尋覓字此篆之譌體

○箋曰覓蓋本作覓今譌从爪廣雅曰覓視也覓  
覓者相視之引申義也六書故載唐本說文覓尋  
也从爪則此字沿譌久矣又籀文與小篆亦左右  
互易疑其一爲脈之譌

### 文三 重三

𡵓泉出通川爲谷从水半見出於口凡谷之屬皆从

谷

古祿切

注曰釋水曰水注川曰谿注谿曰谷許不言谿者  
許以谿專繫之山嶺無所通也川者貫穿通流之  
水也兩山之間必有川焉○箋曰从水半見謂𡵓  
與谷从水敗兒同意从口指事水所從出也

谿山濱無所通者从谷奚聲苦兮切

注曰爾雅釋山曰山濱無所通谿○箋曰今字作

溪

谿通谷也从谷害聲呼括切

注曰文選注云華延洛陽記城南五十里有大谷

舊名通谷引申爲凡疏達之偁○箋曰司馬相如

哀二世賦通谷儲乎谿顧今字作谿同史記高祖

紀意谿如也服虔曰谿達也此引申之義也

𡩺空谷也从谷𡩺聲洛蕭切

注曰大雅曰大風有隧有空大谷○箋曰广部曰

𡩺空虛也𡩺字又作𡩺與𡩺義近說見𡩺下

𡵓大長谷也从谷龍聲讀若璽盧紅切

注曰司馬相如傳曰巖巖深山之𡵓𡵓兮晉灼曰

𡵓音籠古𡵓字蕭該曰𡵓或作𡵓長大兒也徐廣

𡵓音力工反與晉說同

𡵓谷中響也从谷𡵓聲戶萌切

注曰此與𡵓屋響也義近考工記其聲大而宏引

申為凡大之𡵓史記司馬相如傳必將崇論𡵓議

𡵓𡵓通川也从谷从𡵓𡵓殘地阡坎意也虞書曰𡵓

𡵓𡵓距川私問切𡵓𡵓或从水𡵓𡵓古文𡵓

注曰𡵓𡵓之使通也𡵓與𡵓音義皆相近故今

文洪範曰思心曰𡵓𡵓作聖古文曰思曰𡵓𡵓作

聖川部引咎繇謨濬々々距川古文尙書此云容  
畎澮距川今文也○箋曰史記夏本紀作浚畎澮  
致之川容从卣訓爲殘則與奴部𡗗字義同疑𡗗  
卽容之本字說詳奴部

俗望山谷裕裕青也从谷干聲

倉絢切

注曰裕裕當作干干今正高唐賦仰視山顛肅何  
芊芊李注云說文裕望山谷干干青也干與芊古  
字通按俗用芊改干楚辭及陸璣文賦皆用干眠  
字南都賦作盱眙謝朓詩遠樹曖阡阡廣雅乃有  
芊芊字耳古讀平聲○箋曰高唐賦注引說文裕  
望山谷芊芊青也正足訂今本之誤段反以作干

者爲是殊所未喻列子力命篇美哉國平鬱鬱芊芊釋文芊芊茂盛貌亦不獨廣雅乃有芊字

## 文八 重二

人凍也象水凝之形凡人<sub>筆陵切</sub>之屬皆从人

注曰象水初凝之文理也○箋曰水凝成人有圻文故象其圻裂之形書傳人皆作冰而許以冰爲凝竊謂人之形略必从水建類其意乃明公羊成十六年傳何注冰者凝陰論衡論成篇水凝爲冰冰釋爲水皆以凝釋冰則冰非凝矣

冰堅也从人从水<sub>魚陵切</sub>俗冰从凝

注曰爾雅釋器冰脂也孫本冰作凝俗冰从凝者

以雙聲爲聲也自以冰代公乃別製凝字○箋曰凝之引申爲堅定之僞皋陶謨庶績其凝馬融注凝定也荀子王制篇好假道人而無所凝止猶言無所定止也議兵篇唯堅凝之難焉堅凝猶堅定也

慄寒也从厶廩聲

力稔切

注曰引申爲敬畏之僞俗字作慄○箋曰凜通作稟或作廩方言稟浚敬也秦晉之間曰稟齊曰浚吳楚之間自敬曰稟漢書循吏傳序曰此廩廩庶幾德讓君子之遺風矣顏注廩廩言有風采也此又自敬之引申也

靖寒也从人青聲七正切

注曰曲禮曰凡為人子之禮冬溫而夏清○箋曰

此與水部瀕音義同說見水部

凍也从人東聲多貢切

注曰初凝曰人公壯曰凍又於水曰冰於他物曰

凍故月令曰水始冰地始凍

滕人出也从人朕聲詩曰納于力膺切滕陰力膺切滕或

从麦

注曰人出者謂人之出水文校校然輕讀爲力膺

切重讀則里孕切今俗語猶爾○箋曰人有校角

故謂積人爲麦初學記引風俗通曰積冰曰凌是



也因之藏公之室亦謂之凌幽風曰三之日納于  
凌陰毛傳凌陰冰室也引申之義為凌雜又通作  
凌凡言凌越凌犯凌轢凌暴皆凌之假借也

𣶒

流公也从公斯聲

息移切

注曰斯謂冰初結及已釋時隨流而行也○箋曰  
斯之言斯也斯猶析也謂冰銷而流散非初結時  
也

𣶒

半傷也从公周聲

都僚切

注曰半傷未全傷也○箋曰霜雪至而艸木凋故  
从公通作彫雕

𣶒

四時盡也从公从舟舟古文終字

都宗切

𣶒古文

# 冬从日

注曰冬之爲言終也从𠂇从卅會意○箋曰此當以卅爲聲因聲載義也古文从日者楚金云冬者月之終也日窮于紀也

𠂇 銷也从𠂇台聲

羊者切

注曰銷者鑠金也𠂇之融如鑠金然故鑄鑄亦曰冶聲蓋衍台者悅也𠂇台悅而化會意冶今音羊者切古音讀如與在魚部或曰台雙聲也故以爲聲○箋曰戴氏侗曰冶冰釋也引之則鎔金曰冶冶之聲轉爲羊俗作烱金與冰之融冶光采烱爛故容貌之豔者曰冶容灝按冶從台聲當入之部

聲轉為野段以為古讀如與而入魚部非也其以台讀怡謂冰台悅而化會意尤穿鑿

𡗗寒也从人倉聲初亮切

注曰此與水部滄音義皆同枚乘上書曰欲湯之滄絕薪止火而已

冷寒也从人令聲魯打切

箋曰冷之言凜也水部凜云冷寒也寒氣凜凜然也是冷與寒微有別說見水部凜下

𡗗寒也从人函聲胡男切

箋曰水部有涵字云水澤多也與此義異然从水之字或互从人疑此亦俗之變體耳

燁風寒也

段於上增澤拔二字下增詩曰一之日澤拔七字

从火畢聲

卑吉切

燁一之日澤拔

段移此五字於前此改云澤拔也

从火友聲

分勿切

注曰豳風七月一之日燭發毛傳燭發風寒也按

燭發假借字澤拔乃本字猶水部澤沸今詩作燭

沸或許所據毛詩不同今本或采三家詩皆未可

定也○箋曰小雅采芣傳燭沸泉出貌火部燭燹

亦云火始炎之兒

燂寒也

繫傳作寒兒也从火卓聲力質切

注曰此當作凜冽寒兒引詩二之日凜冽今依大

東正義及小徐本毛傳凜冽寒氣也今詩作栗烈

考詩例彼下泉疏引七月二之日凜冽是孔本與

許同陸釋文云說文作𩇛𩇛其實風部未嘗引詩也五經文字亼部有凜知其所據詩作凜古亦單用凜字春秋繁露謂煥寒日熏凜○箋曰凜冽二字古籍皆有單用不必合爲聯文況改瀨爲冽以合之乎

𩇛

寒也从亼賴聲

洛帶切

注曰此篆當作𩇛說解作凜冽也从亼冽聲各本篆作瀨今正瀨字卽廣韵玉篇皆無之而孔冲遠大東正義李善注高唐賦嘯賦皆引說文字林冽字是今本冽譌爲瀨顯然也古單用冽字者如詩冽彼下泉傳曰冽寒也有冽沆泉傳曰冽寒意也

素問曰風寒冰冽○箋曰詩冽彼下泉有冽沈泉  
字皆从水二之日栗烈釋文亦無作凜冽者段改  
非也說詳水部冽下至玉篇廣韵無瀨字蓋偶佚  
之集韵類篇瀨下並引說文寒也則宋時諸本皆  
有此字可知

文十七 重三

雨 水从雲下也一象天口象雲水霈其閒也凡雨之

屬皆从雨

王矩切

 古文

注曰水者水字也○箋曰雨之言濡也潤物之義  
也从水指事凡象天从一者後所加也古文雷實  
電皆从申以是明之

雷𩇑陰陽薄動雷雨生物者也从兩晶象回轉形魯回切隸

雷省作𩇑古文雷𩇑𩇑𩇑𩇑籀文雷聞有

回回雷聲也

注曰薄迫也陰陽迫動即謂雷也許書有畱無晶

凡晶聲皆當云雷省聲籀文雷下奪晶字○箋曰

晶聞有回蓋取雷聲盤旋回轉之意晶即众字說

見众部畱者古畱字音義各別也

雨員雨也齊人謂雷為實从雨員聲一曰雲轉起也繫

有讀若昆三字于敏切雨鼎古文實

注曰齊人謂雷為實方俗語言如此雷古讀如回

回與員語之轉雲轉起別一義雲回轉而起名之

賁者略與雲同音也古文當作籀文

霆 雷餘聲也鈴鈴所以挺出萬物从雨廷聲

特丁切

注曰雷所以生物禮記曰地載神氣神氣風霆風霆流形庶物露生古多讀上聲○箋曰爾雅曰疾雷爲霆與餘聲義異

霽 霽霽震電兒一曰眾言也从雨霽省聲

丈甲切

注曰霽霽聲光雜沓之兒按馬融廣成頌霽爾電落霽音素洽反今俗語云霎時間霽者霽之俗字省霽爲言如省蟲爲虫也韵會一曰下有霽字句在霽省聲下霽疾言也霽以爲聲或訓霽爲眾言則是從言从雨會意矣○箋曰此眾言句在下爲



是韵會衍雪字當作嘉言也釋从嘉聲耳一日  
二字亦衍

雨電陰陽激耀也从雨从申

繫傳作申聲堂練切

古文電

注曰孔冲遠引河圖云陰陽相薄爲雷陰激陽爲  
電電是雷先按穀梁傳曰電霆也古義霆電不別  
許分析較古爲慝心雷電者一而二者也○箋曰  
雷電非二物也電光之掣卽雷聲之發人在地上  
先見電先後聞雷聲遂分而爲二耳今遠覘火礮  
先見煙焰之起少遲乃聞礮聲亦其理也蓋雷電  
在空中去人有遠近近者聞聲疾而速遠者聞聲  
小而遲相距愈遠則聲愈微故有但見電光不聞

雷聲者爾雅釋天曰疾雷爲霆穀梁隱九年傳云  
電霆也開元占經亦謂電爲霆是其義矣虫部虹  
籀文作𩇛云从申申電也蓋象電光激射之形  
變體作𩇛小篆又變爲申繫傳作申聲非也

雨辰劈歷振物者从雨辰聲春秋傳曰震夷伯之廟

章切  
霹靂籀文震

注曰劈歷疾雷之名倉頡篇曰霆霹靂也然則古  
謂之霆許謂之震引申之凡動謂之震春秋傳左  
氏僖十五年文

雪凝雨說物者从雨彗聲

相絕切

注曰釋名曰雪緩也水下遇寒氣而凝緩緩然下

也說今之悅字物無不喜雪者說與雪疊韵

霽

雨霓爲霽从雨尙聲齊語也

相邀切

注曰釋天曰雨霓爲霽雪此霽字本義若淮南書上游於霽霓之野高讀如紺綃之綃此則別爲一義乃今義行而古義罕用矣霽亦假消○箋曰傳注多訓霽爲雲氣未有言雨雪者張平子思元賦陟清霄而外遐則竝雲氣無之爾雅云雨霓爲霽雪卽小雅頍弁所謂如彼雨雪先集維霰也孔疏云盛陰之氣在雨水則凝滯而爲雪陽氣薄而脅之不相入則消散而下因雨水而爲霰是霽古通作消猶言消雪耳非雲霽之謂也況此句文義不

完其爲妄人所改無疑

霰稷雪也从雨敬聲

蘇句切

霰或从見

注曰謂雪之如稷者毛詩傳曰霰暴雪也暴當是黍之字誤俗謂米雪或謂粒雪皆是也會子曰陽之專氣爲霰詩箋云將大雨雪始必微溫雪自上下遇溫氣而團謂之霰久之寒勝則大雪矣

霰雨冰也从雨包聲

蒲角切

霰古文霰

注曰曾子曰陰之專氣爲霤劉向曰盛陽雨水溫暖而湯熱陰氣脅之不相入則轉而爲霤故沸湯之在閉器而湛於甘泉則爲冰此其驗也左氏傳曰聖人在上無霤雖有不爲災

雨

雨零也

零段訂作零

从雨叩象零形詩曰霈雨其濛

切

注曰零各本作零今依廣韵正霈與零義殊許引

東山霈雨今作零雨譌字也定之方中靈雨既零

傳曰零落也靈亦當作霈○箋曰霈聲古音在庚

部今在眞部霈零二字似當有別許訓零爲餘雨

然則靈雨既零謂零雨既稀也

霈

雨零也

零段訂作零

从雨各聲

注曰此下雨本字

零

餘雨也从雨令聲

郎丁切

注曰餘玉篇廣韵及太平御覽所引纂要作徐今

正謂徐徐而下之雨也引申之義爲零星爲凋零  
古音讀如鄰○箋曰此似當作餘爲是

霽鮮小雨財霽也从雨鮮聲讀若斯息移切

注曰財今字作纔鮮聲而讀如斯者以雙聲合音

也

霽霖霖霖小雨也从雨脈聲莫獲切

霽霖霖霖也从雨沐聲莫卜切

注曰信南山曰益之以霖霖釋天毛傳皆曰霖霖

小雨也按霖霖者溟濛之轉語水部溟下曰小雨

溟溟也濛下曰濛濛微雨也

霽酸小雨也从雨酸聲素官切

雨微雨也

从雨𩇔聲

又讀若楚

子廉切

注曰今人謂小雨曰廉纖卽霰也又字衍

霰

小雨也

从雨𩇔聲

明堂月令曰霰雨

職戎切

注日月令無霰雨之文惟季春行秋令淫雨蚤降

注云今月令曰𩇔雨漢人𩇔讀平聲卽許所據之

霰雨也但記文淫雨鄭云霖雨許不當以小雨釋

霰似小必是誤字

霰

久陰也

从雨沈聲

直淡切

注日月令季春行秋令則天多沈陰沈卽霰之假

借字

霰

久雨也

从雨兼聲

力鹽切

注曰霖之言連也

霽久雨也从雨函聲

胡男切

箋曰函篆乃譌體說具弓部

霖雨三日已往从雨林聲

力尋切

注曰左傳隱九年曰凡雨自三日已往爲霖平地尺爲大雪釋天久雨謂之淫淫謂之霖

霖雨也南陽謂霖霖从雨𠂔聲

銀箴切

注曰𠂔者眾立也故雨多取之是可證霖雨之爲霖而非小雨矣淫雨卽霖之假借

霽雨聲从雨眞聲讀若資

卽夷切

注曰眞聲而讀若資者合音也廣韵作𩇛



霽雨兒方語也从雨禹聲讀若禹

王矩切

注曰方上蓋奪北字集韻曰北方謂雨曰霽呂靜

說按呂氏韻集所據說文爲完善然今音雨霽皆

切王矩何以見爲殊語依集韻當作讀若虎王篇

九句切

霽小雨也从雨僉聲

子廉切

霽雨霽也从雨沾聲

張廉切

注曰小雅既霽既足

雨條濡也从雨染聲

而剡切

注曰濡義水部失載於此見之今人多用霽染濡

染染行而霽廢矣

雷屋水流也从雨雷聲力救切

注曰釋名曰中央曰中雷古者覆穴後室之雷當

今之棟下直室之中古者雷下之處也

漏屋穿水下也下繫傳作入从雨在尸下尸者屋也盧后切

注曰漏今字作漏漏者以銅受水刻節也○箋曰

漏漏相承增偏旁銅漏卽假屋漏字爲之耳

霽雨濡革也从雨从革讀若膊匹各切

注曰雨濡革則虛起今俗語若朴霸字以爲聲

霽雨止也从雨齊聲子計切

注曰釋天雨濟謂之霽按濟古多訓止如厲風濟

則眾竅爲虛是也洪範曰雨曰濟今古文皆如是

是尙書用濟爲霽也

雨霽霽謂之霽从雨妻聲

七檣切

箋曰郝氏懿行曰霽謂之霽或爾雅古本之文今脫去之

雨霽雨止雲罷兒从雨郭聲

苦郭切

注曰淮南天文訓道生於虛霏虛霏生宇宙今俗

字作廓

雨潤澤也从雨路聲

洛故切

注曰澤與露疊韵五經通義曰和氣津凝爲露蔡邕月令曰露者陰之液也按露之言臚也故凡陳列表見於外曰露亦假路爲之如孟子神農章羸

露字作路是也

霜喪也成物者从雨相聲

所莊切

注曰霜喪以疊韵爲訓幽風九月肅霜傳曰肅縮也霜降而收縮萬物秦風白露爲霜傳曰白露凝戾爲霜然後歲事成

霜地氣發天不應曰霰从雨殺聲

日霰二字依段補亡遇切

雨

籀文省

注曰釋天曰地氣發天不應曰霧霧者俗字釋名曰霧冒也氣蒙冒覆地之物也霰亦雨之類故从雨地氣發而天應之則雨矣洪範曰蒙古文尙書作曰霽徐邈音以鉤反宋世家作曰霧

言部二  
三  
霽風雨土也从雨狸聲詩曰終風且霾

莫皆切

注曰邶風終風且霾傳曰霾雨土也釋天曰風而雨土爲霾釋名曰霾晦也

霽天氣下地不應曰霽霽晦也从雨稽聲

莫弄切

注曰釋天曰天氣下地不應曰霽今本作曰霽或作曰霧皆非也霽釋名作蒙開元占經作濛釋名曰蒙日光不明蒙蒙然也開元占經引鄒萌曰在天爲濛在人爲霧日月不見爲濛前後人不相見爲霧按霽與霽之別以鄒所言爲確許以霽系天氣以霽系地氣亦分別井然大氏霽下霽上霽溼霽乾霽讀如務霽讀如蒙霽之或體作霧霽之或

體作蒙不可亂也而爾雅自陸氏不能認正譌舛  
不可讀如玉篇云霰天氣下地不應也霽地氣發  
天不應也蓋本爾雅而與說文互易則又在陸氏  
前矣其他經史往往淆譌要當以許書爲正○箋  
曰霽霰霽三形相承音義皆近無以定其孰爲本  
字本義疑天氣當作蒙地氣乃作霽也

霓屈虹青赤或白色陰氣也从雨兒聲

五雞切

注曰釋天曰螭蜺虹也霓爲挈貳郭云雙出色鮮  
盛者爲雄曰虹闇者爲雌曰霓據此似青赤爲虹  
白色爲霓然析言有分渾言不別故趙注孟子曰  
霓虹也楚辭有白霓霓爲陰氣將雨之兆故从雨

一从虫作蜺猶虹从虫也如滄五結切郭璞五擊切沈約郊居賦雌蜺連蜺深恐人讀爲平聲○箋曰挈貳古讀如挈膩聲轉爲挈臬故漢天文志注蜺讀曰齧說詳通介堂經說

霽寒也从雨執聲或曰早霜讀若春秋傳墊阨都念切

注曰成六年襄九年廿五年皆云墊隘阨者阨之隸變阨隘古通用此謂霽音同墊耳非謂春秋傳有霽隘也九經字樣誤認傳作霽隘

雩夏祭樂于赤帝以祈甘雨也从雨于聲羽俱切或从羽雩羽舞也

注曰公羊傳曰大雩者何旱祭也月令夏之月

大雩帝用盛樂春秋傳曰龍見而雩按雩之正當以四月鄭言五精之帝許獨云赤帝者以其爲夏祭而言也

需頤也遇雨不進止頤也从雨而聲易曰雲上於天

需

相兪切

注曰頤待也以疊韵爲訓易彖傳需須也須卽頤之假借左傳曰需事之賊也又曰需事之下也皆待之義也凡相待而成曰需遇雨不進說从雨之意而者頤之意此字爲會意各本作而聲者非也古音在侯部易需象傳文宋衷曰雲上于天需時而降雨○箋曰段說會意非是需之古音讀人朱



切故從而聲濡儒襦等字竝以需為聲而之本字  
訓頰毛義與須同故亦讀曰須此所以需有須音  
而濡儒皆相俞切也須聲轉入侯部故濡龔皆从  
需聲而讀奴豆切騰又轉為邶到切

𩇑 水音也从雨羽聲

王矩切

注曰江氏聲曰五聲羽屬水許字作𩇑與各書不  
同按此當謂流水之音耳

文四十七

當作四十六

重十一

𩇑 赤雲气也从雨段聲

得加切

鈕曰霞古通作瑕亦作赧詳前赧下

𩇑 雨雲皃从雨非聲

芳非切

鈕曰詩采薇雨雪霏霏毛傳霏霏甚也文選張平子思元賦雲菲菲分繞余輪舊注引楚辭曰雲菲菲而承字蓋古通作菲

霏山洽小雨也从雨妾聲切

鈕曰玉篇云霏霏小雨○箋曰俗語假爲霏時之霏段謂當作雪說已見前

霏對黹霏雲黑兒从雨對聲徒對切

鈕曰文選魯靈光殿賦雲覆霏霏吳都賦宵露霏霏二字說文俱無據景福殿賦霏霏黹霏李注黹霏黑貌則霏有作黹者又後漢書馬融傳豐彤對蔚章懷太子注云竝林木貌也則霏有作對者○

箋曰此皆後出之文不必求古字以實之也杜甫萬丈潭詩倒影垂澹澹字又从水

霽雲兒从雨藹省聲

於蓋切

鈕曰文選陸士衡挽歌傾雲結流藹李注引文字集畧曰霽雲雨狀也藹與霽古字通又離騷揚雲霓之晻藹文選高唐賦隨波闇藹甘泉賦儼暗藹兮降清壇羽獵賦登降闇藹竝作藹

### 文五 新附

雲山川氣也从雨云象雲回轉形凡雲之屬皆从雲

王分切

古文雲

原本作古文省雨今從繫傳

亦古文雲

注曰天降時雨山川出雲古文祇作云小篆加雨

○箋曰釋名曰雲運也運行也古文云𩇛竝象雲氣回轉之形云借爲語詞故小篆增雨

雨𩇛

雲覆日也从雲今聲

於今切

古文

原本作古文或省今

從繫

今亦古文雲

注曰雲字僅見大戴禮記文王官人篇素問五帝政大論今人作陰陽○箋曰𩇛陰古今字雲翳日而金也引申之凡日光所不到者皆爲𩇛𩇛之所覆曰陰古祇作陰釋名曰陰陰也左氏文十七年傳鹿死不擇音杜注音所林陰之處蓋音陰古通讀爲蔭也釋文本作蔭

## 文二 重四

𩺰 水蟲也象形魚尾與燕尾相似凡魚之屬皆从魚

語居切

注曰魚與燕其尾皆枝故象枝形非从火也○箋

曰象象形石鼓文作𩺰

𩺰

魚子已生者从魚隋聲

原本作𩺰省聲今從段正徒果切

𩺰

文

注曰謂魚卵生於水艸間初孚有魚形者○箋曰

繫傳曰謂已散放泊草渚者也

𩺰

魚子也一曰魚之美者東海之𩺰从魚而聲讀若

而如之切

注曰上文魚子已生者謂初出卵此云魚子則成

細魚矣魯語曰魚禁鯢鮓韋注鯢魚子也鮓未成魚也韋意鯢是卵未孚者鮓是已孚而尙未成魚者按爾雅曰鯢魚子也鮓小魚也鮓者鮓之俗字之蒸合音也爾雅意魚子卽魚卵今人俗語猶如是若西京賦攢鯢鮓薛注鯢魚子也鮓細魚族類也此與鄭內則注皆謂出卵者爲魚子失爾雅本義若莊子評絕大之魚爲鯢此則齊物之寓言也一日魚之美者別一義見呂覽本味篇○箋曰韋云鮓未成魚謂未成大魚西京賦薛注意同唯鄭注內則異耳

鮓魚也从魚去聲

去魚切

言之角二注參見二  
注曰漢書上林賦禺禺魼魼郭璞云比目魚也按  
郭說未知其審犬部狍下有比目魚鰈同爾雅而  
魚部無鰈玉篇廣韵合魼鰈爲一字非也

魼魚似魼無甲有尾無足口在腹下从魚納聲奴荅切

注曰此篆玉篇作魼廣韵作魼史記上林賦有魼

字云魼一作魼

魼虛魼也从魚翳聲土盍切

注曰漢書上林賦魼魼史記作魼魼魼一作魼注  
家皆以魼魼爲二魚許亦別魼與虛魼爲二虛非  
魼魼之異文也郭注云魼魼魚也似魼有四足聲  
如嬰兒按許下文云魼刺魚也不類列一處則魼

非鯢明矣○箋曰去聲之字如劫怯等皆轉入某

部此可疑段說恐未確

**鰐**赤目魚从魚尊聲慈損切

注曰見幽風釋魚曰鰐鰐毛傳鰐大魚也陸璣郭

璞皆云鰐似鰐赤眼

**鰐**魚也从魚𩺰聲力珍切

注曰周禮其動物宜鱗物劉本作鰐音鱗按劉本

假鰐爲鱗耳非川澤祇生此魚也

**鰐**魚也从魚容聲余封切

注曰鄭注內則云今東海鰐魚有骨名乙在目旁

狀如篆乙食之鰐人不可出



𩚑魚也从魚𩚑聲

相居切

𩚑鰓也周禮春獻王鮓从魚有聲

榮美切

注曰毛詩衛風傳曰鮓鰓也陸璣疏曰鮓魚形似

鱣而青黑頭小而尖似鐵兜鍪口亦在頷下其甲

可以摩薑大者不過七八尺益州人謂之鮓鱣大

者為王鮓小者為鮓鮓一名鰓肉色白味不如鱣

也郭氏山海經傳曰鮓即鱣也似鱣而長鼻體無

鱗甲按即今之鰓魚也周禮天官獻人交鄭注王

鮓鮓之大者引月令季春薦鮓于寢廟

𩚑

鮓也周禮謂之鮓

段訂作鮓鮓鮓也周禮謂之鮓鮓

从魚恆

聲

古恆切

𩚑𩚑也从魚亢聲武登切

注曰各本謁舛今依全書通例補正上林賦𩚑𩚑  
蜥離郭注𩚑𩚑也劉逵注蜀都賦曰𩚑𩚑也  
古人言𩚑𩚑多不別如山海經傳亦云𩚑𩚑也  
當是以爲一類而渾言之李奇注上林曰周洛曰  
𩚑蜀曰𩚑陸詩疏曰益州人謂之𩚑𩚑按𩚑𩚑  
雙聲作𩚑者省立心也亢聲古音讀如茫音轉入  
蒸登部而字形亦改爲𩚑矣

𩚑𩚑也从魚各聲盧各切

注曰叔𩚑者𩚑之小者也字林作𩚑俗字也郭注  
爾雅曰𩚑𩚑屬也今宜都郡自京門以上江中通

出鱣鱣之魚有一魚狀似鱣建平人呼鮓子卽爾  
雅之鮓也按今川江中尙有鮓子魚昔在南溪縣  
巫山縣食之

鮓魚也从魚系聲

古本切

注曰此未詳爲何魚禹父之字古多作鮓作鮓禮  
記及釋文作鮓○箋曰鮓者鮓之譌體廣韵曰鮓  
亦作鮓是也蓋弦之本篆作𩺰鮓或从𠂇而譌爲  
系也鮓讀如鮓故二字相通聲轉爲古本切或鮓  
卽鮓之異文未可知也

鮓魚也从魚眾聲

古頑切

注曰見齊風毛傳曰大魚也謂鮓與魴皆大魚之

名也鄭箋乃讀鰈爲鯢魚子之鯢殆非是鰈多假借爲鰈寡字鰈寡字蓋古祇作矜古音在文部齊風與雲韵可證衆古讀同衆文脂二部合音○箋曰韓詩外傳曰東海之魚名曰鰈比目而行不相得不能達瀕按古借鰈爲鰈寡字蓋取此意鰈比目而行因謂獨處無匹者爲鰈也鰈屬之夫者妻併寡則鰈專謂夫矣釋名謂無妻曰鰈愁挹不寐似魚目恆不閉此穿鑿之說耳段謂鰈古音在文部是也其云衆讀同衆而與脂部合音則誤矣李陽冰謂衆聲从第省得之第弟字古亦作昆故康成鰈讀爲鯢此其明證也太平御覽九百四十引

詩其魚魴鯉

鯉鱣也从魚里聲

良止切

注曰此見釋魚舍人云鯉一名鱣衛風毛傳曰鱣鯉也爾雅古說如此白陸璣說鱣身形似龍銳頭口在頷下背上腹下皆有甲縱廣四五尺今於孟津東石磧上釣取之大者千餘斤而郭注乃分鱣鱣爲二按周頌有鱣有鮪鮪鱣鯉鱣並言似非一物而鄭云鱣大鯉也然則凡鯉曰鯉大鯉曰鱣古人多云鱣鮪出鞏穴渡龍門爲龍今俗語云鯉魚跳龍門蓋牽合爲一非一日矣○箋曰爾雅鯉鱣鮪鮪皆一物一名郭注不誤舊說誤耳

鱣鯉也从魚𩺰聲

張連切

𩺰籀文鱣

注曰籀文从𩺰𩺰爲聲

鰪魚也从魚專聲

旨兗切

注曰士喪禮魚鰪鮒九按常用之魚也呂覽曰魚之美者洞庭之鰪今本作鮒非也山海經曰鰪魚

其狀如鮒而彘尾郭璞音轉如團扇之團

鰩魚名从魚同聲一曰鱻也

讀若綉龍

直隴切

注曰本艸經鱻魚一名鰩魚鱻與鱻同此當直云鱻也鰩卽今頭有七星之魚俗云烏鯉其字正當作鱻考釋魚郭本作鰩鰩也舍人本作鰩鮓也毛詩魚麗或作鰩鰩也與郭合或作鰩鮓也與舍人

合詳詩正義初疑郭自釋鯉爲鯛非爾雅正文作  
鯉鯛但陸璣詩疏正引爾雅曰鯉鯛也許慎謂之  
鱻魚然則爾雅正文實有如此本爲許所本今詩  
疏謂之鱻魚譌作謂之鯉魚袴襪見衣部丈豕切  
○箋曰許云鯛一名鱻而郭注爾雅訓鯉爲鯛據  
下文鯉者鱻也則爾雅作鯉乃假借字而郭注鯉  
鯛也實本魚麗毛傳陸疏所引爾雅鯉鯛也誤以  
郭注爲正文偶漏注字耳至若舍人作鯉鯢則誤  
合二物爲一與上文誤合鯉鯢同一紕繆段氏不  
察乃舉以爲說而反覆論之又詩正義所云或作  
鯉鯢或作鯉鯢乃辨爾雅諸本之異而段誤切爲

毛詩如此益疏率矣

𩚑𩚑魚名从魚𩚑聲盧版切

注曰陶貞白云今皆作鯉字按此名之所以不正也○箋曰𩚑作鯉者古字通耳

𩚑魚名一名鯉一名鯉从魚婁聲洛侯切

注曰一名舊當作一曰此一名鯉耳非卽三十六鱗之鯉也

𩚑魚名从魚兼聲古牀切

注曰玉篇曰𩚑大青魚類篇曰𩚑魚大而青是爲

一物也

𩚑魚名从魚攸聲直由切



注曰周頌箋云鱗白鱗也爾雅鮒黑鱗郭云即白  
條魚江東呼爲鮒莊子條魚出游從容按白條即  
今白鱗條山海經北山篇彭水條魚其狀如雞而  
赤毛三尾六足四首其音如鵲此異物非常有者  
也晉水鯀魚其狀如條條者白條魚也玉篇合二  
物爲一疏矣○箋曰玉篇條徒堯切白條魚也又  
直流切鯀前股切刀魚也短也未嘗合爲一物

𩚑魚名从魚豆聲

天口切

注曰𩚑亦作𩚑

𩚑魚名从魚𩚑聲

房連切

𩚑𩚑又从𩚑

注曰爾雅郭注江東呼魴魚爲𩚑海內北經大𩚑

居海中郭注鰮卽魴也

魴赤尾魚从魚魴聲

符方切

魴魴或从旁

注曰周南魴魚赭尾釋魚曰魴魴毛傳曰魚勞則尾赤按此以魴勞尾赤興王室如燬非謂魴必赭尾也左傳如魚窺尾衡流而方羊亦謂其困頓許以赤尾魚釋魴追失之魴卽魴魚也許列字亦二篆相比近而不言爲一

魴魚名从魚與聲

徐呂切

注曰齊風其魚魴魴傳曰魴魴大魚箋云魴似魴而弱鱗陸疏曰魴似魴厚而頭大其頭尤大而肥者徐州人謂之魴廣雅曰魴魴也

鯽魚名从魚連聲

力延切

注曰許列字亦二篆相比近而不言爲一

鯽魚名从魚皮聲

敷羈切

注曰古音在歌部

魴魚名从魚幼聲讀若幽

於糾切

注曰廣雅魴魴也謂魴亦名魴鰭之類也廣雅玉

篇於堯切

魴魚名从魚付聲

符遇切

注曰魴見易禮鄭注易曰魴魚微小虞翻曰魴小

鮮也王逸注大招及廣雅皆云魴魴也

鯉魚名从魚至聲

仇成切

注曰尚書大傳曰大都鯉魚鄭注大都明都鯉魚

今江南以爲鮑

鯉魚名从魚𩺰聲

資昔切

注曰今人所常食也古音在支部或作鯉責聲亦同部或作鮑非是

鯉魚名从魚麗聲

郎今切

注曰此卽今人謂鯉爲鯉鯉之字也與鯉鯉鯉皆不同類篇云小鯉也此用郭注爾雅語

鯉魚名从魚𩺰聲

毋官切

注曰此亦二篆相比近而不言爲一蓋許於此等在疑信之間

鰮魚名从魚隻聲

胡化切

注曰郭注釋魚云鰮似鮎而大白色按今江中多有之俗謬爲回魚聲之誤耳水經注沔陽縣度口水有二源一曰清檢一曰濁檢清水出鰮濁水出鰮常以二月八月取華陽國志鰮謬爲鰮

鰮大鰮也其小者名鮎从魚丕聲

敷悲切

注曰見釋魚丕訓大會意兼形聲也爾雅鮎鰮亦謂鮎之大者爲鰮

鰮鰮也从魚豐聲

盧欣切

注曰釋魚毛傳鰮鮎爲一許鰮鰮爲一各有所受之也○箋曰爾雅鰮鮎各物舍人誤合之耳毛傳

但爾雅方說魚類鄭蓋失之鐡刀屬讀亦異

**鮎** **鮎也从魚它聲**  
徒何切

注曰釋魚毛傳皆曰鯊鮎也郭云今吹沙小魚體圓而有點文按許不當訓鮎爲鮎蓋毛詩鯊本作沙說文無鯊字而鮎下云沙也淺人以爲怪遂竄改耳○箋曰許承孫炎舍人之誤以鯿爲鯿以鮎爲鯿以鯿爲鯿故鮎亦訓鮎此偶失考定不必爲之回護非後人所改也

**鮎** **鯿也从魚占聲**  
奴兼切

注曰孫炎云鯿一名鮎郭別鯿鮎爲二非也○箋

日段說未達辨已見前

𩚑𩚑𩚑也从魚晏聲  
切於曉  
𩚑𩚑𩚑𩚑或从𩚑

注曰謂之𩚑者以其偃頷也偃者仰也○箋曰辨

見前

𩚑𩚑𩚑大𩚑也从魚弟聲  
杜兮切

注曰此字詩爾雅釋文廣韵作𩚑从夷文選蜀都

賦及玉篇作𩚑未知孰是以夷弟篆體易譌也山

海經傳曰今亦呼𩚑爲𩚑字林曰青州人呼𩚑𩚑

郭注爾雅曰𩚑別名𩚑江東通呼𩚑爲𩚑蓋𩚑𩚑

𩚑三形一字同大兮反而𩚑則別一字別一音不

當合而一之○箋曰𩚑與𩚑同說見大部夷下

鰱魚名从魚賴聲洛帶切

鱖魚名从魚替聲鉏箴切

注曰類篇謂即小魚為鮓之鮓非也

鱮魚名从魚翁聲烏紅切

鮑魚名从魚白聲尸賺切

鰓魚名从魚厥聲居衛切

注曰篇韻皆曰大口細鱗有斑文即今人所食之

鰕魚也而釋魚鱖鮓鰕鰩郭云小魚也似鮓子而

黑俗呼為魚婢江東呼為妾魚按今俗謂之鬼婆

子是也○箋曰戴氏侗曰鰕魚之摯者決吻鋸齒

箴鰕豹文雌雄將子啖食諸魚魚之美者灝按此



卽張志和詞所云桃花流水鱖魚肥者也今人常食之若爾雅鱖歸則別是一種魚亦名鱖鯨一聲之轉也羅願爾雅翼曰鱖歸似鯽而小黑色而揚赤今人謂之旁皮鯽又謂之婢妾魚其行以三爲率一頭在前兩頭從之若媵妾之狀故以爲名古今注云江東謂青衣魚爲婢媵也

鯽白魚也从魚取聲

土垢切

注曰白而小之魚也史記鯽干石張守節曰雜小魚也按鯽是小魚之名故小人謂之鯽生漢書鯽生教我服虔曰鯽音淺鯽小人貌也淺鯽漢人有此語師古作鯽字音輒蓋未然鯽通作鄒釋名云

奏者鄒也鄒狹小之言也

鰾魚名皮可爲鼓从魚單聲

常演切

注曰今人所食之黃鰾也黃質黑文似蛇異苑云  
或人髮化其字亦作鰾俗作鰾或假鮮字爲之如  
蟹篆下云非蛇鮮之穴無所庇是也或假鰾爲之  
如楊震傳烏銜三鰾是也各本此下有皮可爲鼓  
四字由古以鼉皮冒鼓呂覽等書皆假鰾爲鼉淺  
人將讀古書率爾妄增今刪正

鰾魚名出葦邪頭國从魚免聲

必辨切

注曰隋煬責貢四方海錯幾盡首日鰾魚今江浙  
人所食海中黃花魚乾之爲白鰾卽此魚也一名

石首魚首中有二石許云出葦邪頭國蓋據所見  
載籍言之葦邪頭國卽穢貊也江賦鰻鮓順時而  
往還注引字林曰鰻魚出南海頭中有石一名石  
首然則此魚又名鰻南海亦有之

**鰻魚名出葦邪頭國从魚分聲**

符分切

注曰釋魚曰鰻鰻謂鰻魚一名鰻魚也陳氏魏志  
范氏後漢書東夷傳皆曰葦國海出班魚皮今一  
統志朝鮮下亦云爾班魚卽鰻魚也

**鰻魚名出樂浪潘國从魚虜聲**

郎古切

注曰樂浪潘國眞番也番音潘

**鰻魚名狀似蝦**段訂作鰻**無足長寸大如叉股出遼東从**

魚區聲豈俱切

注曰鰕有足鰕則似鰕而無足集韻類篇奪無字

非也又今釵字

鰕魚名出樂浪番國从魚妾聲七接切

鰕魚名出樂浪番國从魚市聲博蓋切

鰕魚名出樂浪番國从魚角聲一曰鰕魚出江東繫傳

作九有兩乳繫傳有一曰溲浮二字居六切

注曰鰕即今之江豬亦曰江豚下一日猶言一名

也溲浮俗字作鰕鰕音姑覆浮二反鰕一作鰕吳

東門謂鰕鰕門即今蘇州封門也釋魚鰕是鰕亦

江豚之類謂之海豚

𩚑魚名出樂浪潘國从魚沙省聲

所加切

注曰詩小雅有鯊則爲中夏之魚非遠方外國之魚明甚蓋詩自作沙字吹沙小魚也樂浪潘國之魚必出於海自作𩚑字其狀不可得而言也或云卽鮫魚然𩚑鮫二篆不相屬○箋曰戴氏侗曰海中所產以其皮如沙而得名灝按鮫魚皮亦可飾器物故或謂𩚑卽鮫然非一物也

𩚑魚名出樂浪潘國从魚樂聲

盧谷切

鮮魚名出貉國从魚華省聲

相然切

注曰此乃魚名經傳假爲新羸字又假爲𩚑少字○箋曰魚與羊皆味之最鮮美者貉國之魚蓋亦

以味得名竊恐魚名非其本義也

鰮魚名皮有文出樂浪東曉神爵四年初捕收輸考

工周成王時揚州獻鰮从魚禺聲

魚容切

注曰上林賦郭注鰮魚有文彩按長卿謂八川之中有之侈靡過其實也據下文樂浪乃有之然平子賦南都亦曰鰮鰮鰮鰮是南陽有之矣樂浪東曉見日部神爵孝宣帝年號捕此魚輸考工者用其皮飾器也周成王時揚州獻鰮見周書王會篇蓋漢時揚州已無此物矣今王會篇作禺禺考上林賦鰮與禺禺爲二物作禺禺非是禺聲古音在侯部漢書注音韻徐廣李善音娛

鰮鰮魚也从魚庸聲

蜀容切

注曰史記上林賦鰮鰮鰮鰮漢書文選鰮皆作鰮

非是據許書鰮鰮鰮然二物郭云鰮似鰮而黑陸

璣云鰮徐州人謂之鰮或謂之鰮

鰮烏鰮魚名从魚則聲

昨則切

鰮鰮或从卽

注曰陶貞白云是鰮鳥所化其口腹猶相似腹中

有墨能吸波淚墨令水濁黑自衛吳都賦作烏賊

劉淵林云腹中有藥謂其背骨今名海螵蛸是也

鰮俗鰮字今人用為鰮魚字

鰮海魚名从魚合聲

徒哀切

注曰鰮即今之河豚也吳都賦王鮪侯鮐以王侯

相儷改作鯀者非貨殖傳鯀鯀千斤鯀狀如科斗  
背上青黑有黃文詩黃耆台背毛傳台背大老也  
鄭箋云台之言鯀也大老則背有鯀文是謂台爲  
鯀之假借字今爾雅作鯀背

𩚑

海魚名从魚白聲

繫傳有讀若書白  
不黑六字旁陌切

注曰王篇讀平亞切廣韻禡韻作鯀書白不黑未  
知所出太元昆次三曰昆白不黑不相親也疑用  
此語

𩚑

海魚名从魚夏聲

蒲角切

注曰郭注三倉曰鯀似蛤一偏著石廣志曰鯀無  
鱗有殼一面附石細孔雜雜或七或九本艸曰石



決明一名鮞魚李時珍曰與石決明同類殊種

鮞海魚皮可飾刀从魚交聲

古奇切

注曰許有鮞字云从沙省蓋卽此魚陳藏器曰沙魚狀貌非一皆皮上有沙堪揩木如木賊蘇頌曰其皮可飾刀靶按其皮可磨錯故通謂之錯魚音措各切有錯錯有橫骨在鼻前如斤斧形者也有出入鰭子朝出求食暮還入母腹中者也淮南子鮞革犀兕爲甲冑中山經有鮞魚郭云卽此魚中庸鮞龍鮞龍本又作蛟○箋日月令季夏命漁師伐蛟卽鮞也

鰻海大魚也从魚畺聲春秋傳曰取其鰻

渠京切

鯨鱣或从京

注曰此海中魚最大者字亦作鯨羽獵賦作京京大也春秋傳宣公十二年老氏文劉淵林注吳都賦裴淵廣州記皆云雄曰鯨雌曰鯢是此鯢非刺魚也

鯨魚骨也从魚𩺰聲古杏切

鱣魚甲也从魚𩺰聲力珍切

注曰魚鱣似鎧亦有無鱣有甲之魚鱣是也

鯢魚臭也从魚生聲桑經切

注曰與肉部𩺰義別俗作鯢

𩚑𩚑𩚑臭也从魚臬聲周禮曰膳膏𩚑

𩚑遭切

注曰當作讀若周禮曰膳膏臊肉部云臊豕膏臭也與先鄭說同然則許所據周禮不作𩚑○箋曰勝臊與𩚑𩚑音義竝同但以从肉从魚爲別古字通用或許所據周禮作𩚑故於此引之未可臆決也

𩚑魚臍醬也出蜀中从魚旨聲一曰鮪魚名

旨夷切

注曰醬字衍臍者豕肉醬也引申爲魚肉醬則稱魚臍可矣公食大夫禮牛鮪注云內則鮪爲臍然則臍用鮪謂此經之醢牛鮪卽內則之醢牛臍也聶而切之爲臍更細切之則成醬爲鮪矣鮪者臍

之最細者也牛得名鮓猶魚得名脂也鄭曰今文鮓作鮓按鮓是假借字說文有者無鮓出蜀中謂魚醬獨蜀中有之一曰鮓魚名鮓當作鮓

**鮓**藏魚也南方謂之鮓北方謂之鮓从魚差省聲下切

注曰釋名曰鮓菹也以鹽米釀魚爲菹孰而食之按古作鮓之法令魚不朽壞故陶士行遠遺其母卽內則之魚膾聶而切之者也南方謂之鮓北方謂之鮓此一說也周禮注云荊州之鮓魚然則南方亦言鮓俗作鮓

**鮓**鮓也一曰大魚爲鮓小魚爲鮓从魚今聲祖慘切

注曰鮓鮓也者渾言不別也廣韵昨淫切玉篇才

枕才箴二切

**鮓** 鮓魚也从魚包聲

薄巧切

注曰鮓飯傷溼也故鹽魚溼者爲鮓魚周禮籩人有鮓鄭云鮓者於稷室中稷乾之出於江淮師古注漢書曰鮓今之鮓魚也鄭以爲於稷室乾之非也秦始皇載鮓亂臭則是鮓魚耳而稷室乾者本不臭也鮓於業反按玉篇作衰魚皆當作浹浹溼也釋名曰鮓腐也埋藏淹使腐臭也

**鮓** 蟲連行紆行者从魚令聲

郎丁切

注曰考工記梓人注連行魚屬紆行蛇屬按紆者

𧈧也繁也蛇行必繁曲

𧈧𧈧也

段訂作𧈧

从魚𧈧聲

平加切

注曰𧈧者今之蝦字古謂之𧈧魚如𧈧曰𧈧魚馬部𧈧下云色似𧈧魚驛下云文如𧈧魚郭注爾雅云今青州呼𧈧魚爲𧈧皆其證由釋魚有𧈧𧈧之文郭曰出穢邪頭國與說文𧈧解同淺人遂改𧈧篆之解爲𧈧也不知許立文之例以類相從𧈧果是𧈧則必次𧈧後不次𧈧前至於物有同名異實者如爾雅𧈧三見𧈧大𧈧則今之蝦也𧈧𧈧則穢邪頭國之魚也𧈧大者謂之𧈧則今有四𧈧之魚也而皆謂之𧈧豈可合而一之乎𧈧篆者長須水

蟲之正字古亦借蝦爲之

鰕大鰕也从魚高聲切胡到

注曰見釋魚郭云鰕大者出海中長二三丈鬚長

數丈今青州呼鰕魚大者爲鰕鰕吳都賦曰翼鰕

鰕

鰕當互也从魚咎聲切其久

注曰見釋魚今爾雅互作鰕郭云海魚也似鰕而

大鱗肥美多鰕今江東呼其最大長三尺者爲當

鰕音胡按集韻類篇云吳人以爲珍卽今時魚

尋繹郭注誠謂時魚也時字亦作鰕或作鰕廣韻

曰鰕魚似魴肥美江東四月有之但許氏自鰕至

鮒六字皆字从魚而實非魚者故殿於部末然則許說爲何物不可知而必與郭說異矣○箋曰此蓋後人轉寫移其次弟耳

鮒大貝也一曰魚膏从魚亢聲讀若岡古郎切

注曰貝海介蟲也居陸名焱居水名函釋魚曰大者鮒尚書大傳曰散宜生得大貝如車渠車渠車网也車网者輶也江賦字作虬

鮒蚌也从魚丙聲兵永切

注曰蚌者蜃屬亦名鮒

鮒蚌也从魚吉聲漢律會稽郡獻鮒醬三斗三斗二字依繫

傳補互乙切



注曰地理志會稽鄞縣有鮚埼亭師古曰鮚蚌也  
長一寸廣二分有一小蟹在其腹中埼曲岸也其  
中多鮚故以名亭按此名瑣鮚瑣者小也鮚之小  
者文選作蚌江賦瑣蚌腹蟹注引南越志曰瑣蚌  
長寸餘大者長二寸腹中有蟹子如榆莢合體  
共生皆爲蚌取食

鮚魚名从魚必聲

鮚必切

注曰自鮚至鮚十篆蓋皆非許書所本有以魚部  
鱗鮚爲魚子自鮚至鮚皆魚名自鮚至鮚皆泛言  
魚之體魚之用自鮚至鮚皆字从魚而實非魚者  
一至此而魚部畢矣不當又舉魚名及魚之狀貌故

知必淺人所增也釋魚云魴鯪系一魚二名儻許錄魴字優當與鯪相聯由許時爾雅本無魴字但作必必則例不錄○箋曰許書多有後人傳寫移易者然段所舉十篆實有可疑唯魴與魴見於爾雅段以爲爾雅本無魴字則未然也

鰾魚名从魚瞿聲

九遇切

鰾魚名从魚侯聲

平鉤切

注曰吳都賦鰾魴當是本作侯魴故與王魴相儷廣雅鰾魴卽侯魴之俗字也假令許錄鰾字則當廁於魴篆之上

魴骨𩺰𩺰也从魚周聲

都僚切

注曰如其義則當與鰓篆相屬篇韵皆曰魚名何也

鯢都教切鯢然鯢鯢从魚卓聲

注曰詩南有嘉魚烝然罩罩傳曰罩籠也此偁詩作鯢鯢不言其義篇韵皆不載其字

鯢北未切鯢有鯢鯢从魚友聲

注曰詩鯢鯢發發傳曰發發盛兒韓詩作鯢鯢是作鯢者非毛非韓不可信又不言其義篇韵亦皆

無鯢字

鯢甫無切鯢魚出東萊从魚夫聲

注曰依玉篇當作鯢鯢魚

𩚑魚名从魚其聲渠之切

注曰其訓當云𩚑𩚑也廣韵七之又單出𩚑字云

鰕魚

𩚑魚名从魚兆聲治小切

注曰字見爾雅𩚑之小者也假令許錄此字當與

𩚑篆相屬

𩚑魚名从魚匕聲呼跨切

𩚑魚新魚精也从三魚不變魚相然切

注曰精卽今之鯖字廣韵云煮魚煎食曰五侯鯖

作煎肉者誤謂以新魚爲肴也周禮敝人辨魚物

爲𩚑葢鄭司農曰鮮生也葢乾也詩思文正義引

鄭注尚書曰𩚑𩚑食謂魚鼈也引申爲凡物新者之稱不變魚謂不變其生新也○箋曰𩚑謂从三魚者取其多而益鮮美耳

文一百三 重七

𩚑比目魚也从魚某聲

土盍切

鈕曰𩚑通作𩚑玉篇𩚑重文作𩚑卽𩚑之殘字臧在東云釋地𩚑釋文本或作𩚑

𩚑文𩚑魚名从魚比聲

房脂切

鈕曰江徵君云𩚑卽玼字以廣韵𩚑訓珠母與山海經文𩚑之魚是生珠玉合俗書因有魚名故變从魚旁也

𩚰文𩚰魚名从魚𩚰聲

余招切

鈕曰玉篇𩚰魚身鳥翼常從西海飛來東海按𩚰見山海西山經及呂氏春秋孝行覽其說略同未審古作何字蓋山海經中名物多怪誕或說文不盡收或其字爲後人增損也

文三 新附

𩚰二魚也凡𩚰之屬皆从𩚰

繫傳有闕字語居切

注曰此卽形爲義故不言从二魚二魚重而不並易所謂貫魚也魚行必相隨也晉語暇豫之吾吾不如烏烏韋注吾讀如魚韓文公詩用魚魚雅雅豈卽本國語乎

𩺰捕魚也

从𩺰从水

語居切

𩺰篆文𩺰从魚

注曰捕魚字古多作魚如周禮𩺰人音義本作魚與取𩺰者曰𩺰人取獸者曰獸人同也左傳公將如棠觀魚者魚者謂捕魚者也然則魚𩺰為古文𩺰其籀文乎○箋曰竹部籀之重文作𩺰从又从魚即捕魚之義呂覽季夏篇乃命漁師高注漁讀若相語之語淮南時則訓注同𩺰从支與从又同意𩺰為聲𩺰者虎之省也

文二重一

𩺰元鳥也𩺰口布𩺰枝尾象形凡燕之屬皆从𩺰

𩺰

注曰商頌傳曰元鳥乙也釋鳥曰鶯周燕燕乙簡  
口故以廿象之布被故以北象之枝尾與魚尾同  
故以火象之也古多假爲宴安宴享

# 文一

龍鱗蟲之長能幽能明能細能巨能短能長春分而  
登天秋分而潛淵从肉句飛之形童省聲凡龍之  
屬皆从龍力鍾切

注曰明長爲韵天淵爲韵童省聲謂童也○箋曰  
說苑辨物篇神龍能爲高能爲下能爲大能爲小  
能爲幽能爲明能爲短能爲長卽許所本貞象飛  
形童省聲可疑戴氏侗引遲父鍾作童小篆蓋從



古文變耳

龍也从龍需聲

郎丁切

注曰龍龍雙聲○箋曰玉篇龍龍也又省作龍

合龍

段正篆作龍

龍兒从龍合聲

段訂作今聲口含切

注曰龍兒者此篆本義也假借爲戕亂字今人用  
戕堪文選注引尚書孔傳曰龍勝也从龍今聲各  
本作合聲篆體亦誤今依九經字樣正○箋曰玉  
篇作龍从今戴氏侗引唐本說文亦從今聲爾雅  
釋言洵龍也釋文曰龍字或作含本今作龍似當  
从今聲惟方言廣雅竝从合廣韵亦从合方言曰  
鈴龍受也齊楚曰鈴揚越曰龍受盛也廣雅曰鈴

堪龕受盛也又曰龕取也按取與受義相因耳今聲今聲古音同在侵部未詳孰是

龍髻

原本作者今從繫傳

龍

龍

古賢切

注曰士喪禮載魚左首進髻鄭注髻脊也古文髻

爲者許𠂔部無髻上林賦捷髻掉尾郭云髻脊上

鬣也按龍龍龍者兒○箋曰古時字少假者爲之

許未收髻字而此說解用之以當時常行之字也

飛龍也

從二龍讀若沓

徒合切

注曰廣韵曰龍飛之狀凡龕髻字从此省聲○箋

曰古鐘文有𠂔𠂔二形爲龍虎之重文見阮氏款

識玉篇又有龕字音沓云龍行龕龕也

文五

飛鳥翥也象形凡飛之屬皆从飛

甫微切

注曰羽部翥飛舉也古或假蜚爲飛象舒頸展翮

之狀

翥翥也从飛異聲

與職切

翥翥篆文翥从羽

注曰翼必兩相輔故引申爲輔翼○箋曰翥可以

飛也故从飛廣雅曰翼翼飛也引申之凡物之在

旁如翼者皆曰翼故屋之東西榮謂之翼鄭注士

冠禮曰榮屋翼也人之張拱亦謂之翼論語鄉黨

篇趨進翼如也翼有敬義故又訓爲敬義雅釋詁

翼敬也大雅大明篇小心翼翼是也義有輔義故

又訓爲輔書益稷曰汝翼文王世子曰慎其身以輔翼之是也

## 文二 重一

𠂔 違也从飛下𠂔取其相背凡非之屬皆从非甫微切

注曰謂从飛省而下其𠂔𠂔垂則有相背之狀○  
箋曰段說未達从飛下𠂔謂取飛字之下體而爲  
此篆耳鐘鼎文作𠂔正合从飛下𠂔之語小篆變  
作非凡鳥飛𠂔必相背故因之爲違背之稱戴氏  
侗曰飛與非一字而兩用猶鳥於之爲一字也借  
義旣博故判爲二字是也

𠂔 別也从非己聲非尾切

注曰別者分解也非己猶言不爲我用會意非亦聲○箋曰悲義未詳段率臆說之耳廣韵曰烏如梟

**靡披靡也从非麻聲**

文彼切

注曰披本作被从木析也寫者譌从手今正○箋曰手部披下曰從旁持曰披是披亦有分列之義故古與被通不必改也史記項羽本紀項王大呼馳下漢軍皆披靡蓋披謂分散靡謂傾倚也廣韵靡偃也偃如草上之風必偃之偃重言之則曰靡靡文選宋玉高唐賦薄草靡靡李注靡靡相依倚貌是也因之爲隨從之義荀子性惡篇身日進於

仁義而不自知也者靡使然也楊注靡謂相順從也又引申爲繁縟之備凡言靡費靡麗靡曼皆其義也又爲細碎之備小爾雅曰靡細也王褒洞簫賦被淋漓其靡靡兮注靡靡聲之細好也古與無通爾雅釋言靡罔無也靡罔無一聲之轉

𡵓相違也从非告聲

告到切

注曰今俗謂相依曰靠古人謂相背曰靠其義一也猶分之合之皆曰離

𡵓牢也所以拘非也从非陞省聲

邊兮切

注曰法言曰狴狴使人多禮字作狴猶鄉亭之繫曰狴朝廷曰獄字皆从大○箋曰拘非廣韵引說

文作拘罪玉篇亦曰拘罪人今本非字疑涉非聲而誤廣韵又作狴與陞同云狴犴獸也詳豸部豸下

文五

𠂔疾飛也从飛而羽不見凡𠂔之屬皆从𠂔息晉切

注曰引申為凡疾之偁○箋曰此取飛篆之上體

也疾飛則不見其羽故从飛省今𠂔疾字作迅

𠂔回疾繫傳回下有飛字从𠂔營省聲渠營切

注曰營回轉之疾飛也引申為營獨取裴回無所

依之意○箋曰凡从𠂔聲之字皆當為營省聲營

又作僥方言云僥特也古與𡇗通小雅正月篇哀

此粵獨孟子梁惠王篇引作

又與霰通唐風杕

杜篇獨行霰霰文選思元賦舊注引作霰霰

## 文二



說文解字第十一

下